


სსიპ ლ. საყვარელიძის სახ. დაავადებათა კონტროლისა და
საზოგადოებრივი ჯანმრთელობის ეროვნული ცენტრი



სატენდერო დოკუმენტაცია

(CPV 45400000)

თბილისი 2014 წ.

I. შესყიდვის ობიექტის დეტალური აღწერილობა:

❖ შესყიდვის ობიექტია სსიპ „ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის“ საზღვანდაცვის რეგიონული მართვის დეპარტამენტის იმერეთის სამმართველოს შენობის საწყობის სარეაბილიტაციო სამუშაოები (ქ.ქუთაისი, ოცხელის ქ. №2).

❖ შესყიდვის ობიექტის სავარაუდო ღირებულება შეადგენს **90 520.00 (ოთხმოცდაათათას ხუთასოცი) ლარს.**

სარეაბილიტაციო სამუშაოების ტექნიკური პირობა

1. სარეაბილიტაციო სამუშაოები უნდა დასრულდეს ხელშეკრულების გაფორმებიდან 60 კალენდარულ დღეში.
2. პრეტენდენტს უნდა ქონდეს ანალოგიურ სამუშაოებზე მუშაობის მინიმუმ სამწლიანი გამოცდილება და 2012-2014 წლებში შესრულებული უნდა ქონდეს არანაკლებ 200 000 ლარის ღირებულების ანალოგიური სამუშაოები.
3. დამონტაჟებულ მოწყობილობებზე უნდა ვრცელდებოდეს ორწლიანი, ხოლო შესრულებულ სამუშაოებზე ერთწლიანი საგარანტიო მომსახურება (სწორი ექსპლუატაციის პირობებში).
4. ფანჯრების და კარების ზუსტი ზომები, კონფიგურაცია (არსებულ ზონებში) და გაღების მიმართულებები დაზუსტდეს ადგილზე.
5. სამუშაოების შესრულებისას გამოყენებული მასალები და მოწყობილობები უნდა იყოს ხარისხიანი. „შემსყიდველს“ უფლება აქვს მოითხოვოს გამოყენებული მასალების და მოწყობილობების შესაბამისობის სერტიფიკატი.
6. საგარანტიო ვადის განმავლობაში „მიმწოდებელი“ ვალდებულია განახორციელოს შესყიდვის ობიექტის შეკეთება ან შეცვლა „შემსყიდველი“ მხრიდან დამატებითი ხარჯების გაწევის გარეშე.
7. „მიმწოდებელი“ ვალდებულია სამუშაოების მიმდინარეობის პროცესში დაიცვას უსაფრთხოების წესები, მინიმუმამდე დაიყვანოს ხმაურის დონე და მტვრის რაოდენობა, ყოველი სამუშაო დღის ბოლოს მაქსიმალურად დაასუფთაოს სამუშაოს ჩატარების ადგილი და გაიტანოს ნაგავი ეზოში გამოყოფილ ადგილზე, ხოლო სამუშაოების დასრულების შემდეგ გაათავისუფლოს სამუშაო მოედანი და მიმდებარე ტერიტორია სამშენებლო ნარჩენებისგან. საჭიროების (შემსყიდველის მოთხოვნის) შემთხვევაში სამუშაო ტერიტორია შესაძლებლობის ფარგლებში შემოიზღუდოს მტვრიგან დამცავი ფარდებით.
8. ანგარიშსწორება მოხდება მხოლოდ წინასწარი ანგარიშსწორების საფუძველზე, 100%-ის ოდენობით, არაუგვიანეს 2014 წლის 10 დეკემბრისა, შესაბამისი საბანკო ან სადაზღვევო გარანტიის წარმოდგენის საფუძველზე. საბანკო ან სადაზღვევო გარანტიის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულებით გათვალისწინებულ სამუშაოების შესრულების ვადას (კანონმდებლობით დადგენილი ნორმების შესაბამისად).
9. ლევან სამხარაულის სახელობის სასამართლო ექსპერტიზის ეროვნული ბიუროს დასკვნისა და ფაქტიურად წარმოდგენილი ხარჯების შესაბამისად, მიმწოდებლის მხრიდან მოხდება მისთვის წინასწარი ანგარიშსწორების საფუძველზე გადარიცხული თანხიდან სხვაობის დაბრუნება.
10. ლევან სამხარაულის სახელობის სასამართლო ექსპერტიზის ეროვნული ბიუროს დასკვნის წარმოდგენის ვალდებულება და ფინანსური ხარჯების გაწევა ეკისრება „მიმწოდებელს“.

11. ზედნადები ხარჯებისა და გეგმიური მოგების ზღვრული პროცენტული მაჩვენებლები უნდა განისაზღვროს საქართველოს მთავრობის მიერ 2014 წლის 14 იანვარს დამტკიცებული №55 დადგენილების მიხედვით.

12. გაუთვალისწინებელი ხარჯი (5%) სავალდებულოა ყველა პრეტენდენტისთვის.

II. ტექნიკური დავალება

პრეტენდენტის მიერ, სისტემაში აქტირებული სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

- 1) პრეტენდენტის რეკვიზიტები, დანართი #1-ის მიხედვით.
- 2) ხარჯთაღრიცხვა სატენდერო დოკუმენტაციას თანდართული Excel-ის ცხრილის შესაბამისად.
- 3) ინფორმაცია შესრულებულ სამუშაოზე საგარანტიო ვადებისა და პირობების შესახებ.
- 4) ინფორმაცია განხორციელებული ანალოგიური სამუშაოების შესრულების შესახებ (მინიმუმ სამწლიანი).
- 5) ინფორმაცია 2012-2014 წლებში ფინანსური ბრუნვის შესახებ (არანაკლებ **200 000** ლარი) შესახებ.

პრეტენდენტის მიერ წარმოდგენილი სატენდერო დოკუმენტაცია ხელმოწერილი უნდა იყოს უფლებამოსილი პირის მიერ.

სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის „ა“-„დ“ ქვეპუნქტებში განსაზღვრულ მოთხოვნებზე:

- ა. სატენდერო წინადადებაში საერთო ფასი (ეროვნული ვალუტა) გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- ბ. ანგარიშსწორება მოხდება მხოლოდ წინასწარი ანგარიშსწორების საფუძველზე, 100%-ის ოდენობით, არაუგვიანეს 2014 წლის 10 დეკემბრისა, შესაბამისი საბანკო ან სადაზღვევო გარანტიის წარმოდგენის საფუძველზე. საბანკო ან სადაზღვევო გარანტიის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულებით გათვალისწინებულ სამუშაოების შესრულების ვადას (კანონმდებლობით დადგენილი ნორმების შესაბამისად).
- გ. პრეტენდენტის მიერ სატენდერო წინადადების (დოკუმენტაცია) წარმოდგენა დასაშვებია უცხო ენაზე, ასეთ შემთხვევაში სატენდერო დოკუმენტაციას უნდა ახლდეს ქართულენოვანი და ნოტარიულად დამოწმებული თარგმანი.
- დ. ლევან სამხარაულის სახელობის სასამართლო ექსპერტიზის ეროვნული ბიუროს დასკვნისა და ფაქტიურად წარმოდგენილი ხარჯების შესაბამისად, მიმწოდებლის მხრიდან მოხდება მისთვის წინასწარი ანგარიშსწორების საფუძველზე გადარიცხული თანხიდან სხვაობის დაბრუნება.

III. დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. თბილისი, მ. ასათიანის 9, მე-2 სართული. საკონტაქტო პირი: ქრისტინა გოგაძე, ტელ: +99532 39-89-46 (შიდა 173).

IV. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ „პრეტენდენტთან“. წინამდებარე ხელშეკრულების პროექტის პირობები დაზუსტდება გამარჯვებული „პრეტენდენტის“ სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება №

(სახელმწიფო შესყიდვების შესახებ)

ქ. თბილისი

----- წ.

დაიდო, ერთის მხრივ სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის“ (შემდგომში „შემსყიდველი“) მისი გენერალური დირექტორის ამირან გამყრელიძის სახით და მეორეს მხრივ, ----- (შემდგომში „მიმწოდებელი“) მისი დირექტორის ----- სახით, შემდეგზე სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის“ მიერ 2014 წლის ----- გამოცხადებული ელექტრონული ტენდერის SPA ----- შედეგების მიხედვით შესყიდვაზე.

1. ხელშეკრულების შესყიდვის ობიექტი

1.1. „შენობის დასრულების სამუშაოების“ (შემდგომში „სამუშაო“) შესყიდვა, თანდართული ხარჯთაღრიცხვის შესაბამისად (CPV 45400000).

2. ხელშეკრულების საფუძველი

2.1. „სახელმწიფო შესყიდვების შესახებ“ საქართველოს კანონი

2.2 სახელმწიფო შესყიდვების სააგენტოს თავჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“.

2.3 დაფინანსების წყარო: დაავადებათა კონტროლისა და ეპიდემიოლოგიური უსაფრთხოების პროგრამის მართვა.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს ----- (-----) ლარს (სამუშაოს შესყიდვასთან დაკავშირებული ყველა გადასახადის გათვალისწინებით, მათ შორის დღგ).

4. ხელშეკრულების კონტროლი

4.1. ხელშეკრულების შესრულების კონტროლს განახორციელებს – „შემსყიდველის“ სახელმწიფო შესყიდვების ხელშეკრულებების შესრულების კონტროლის ჯგუფი ან/და შესაბამისი ფუნქციებით აღჭურვილი პირი რომელიც წარმოქმნილი საჭიროებიდან გამომდინარე, განახორციელებს ინსპექტირებას, რაც გულისხმობს ხელშეკრულების პირობების შესრულების კონტროლს.

4.2. ინსპექტირების განხორციელებასთან დაკავშირებული ყველა საჭირო საბუთის წარდგენა, ფინანსური ხარჯის და საორგანიზაციო საკითხების გადაწყვეტა ეკისრება მიმწოდებელს.

5. შესყიდვის ობიექტის ხარისხი და საგარანტიო პირობები

5.1. „სამუშაოს“ უხარისხობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი სახსრებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.

5.2. სამუშაოების შესრულებისას გამოყენებული მასალები და მოწყობილობები უნდა იყოს ხარისხიანი. „შემსყიდველს“ უფლება აქვს მოითხოვოს გამოყენებული მასალების და მოწყობილობების შესაბამისობის სერტიფიკატი.

5.3. სანტექნიკურ მოწყობილობებზე, მეტალოპლასმასის კარ-ფანჯრებზე, ალუმინის კარებებზე და შესრულებულ სამუშაოებზე უნდა გავრცელდეს 2 წლიანი საგარანტიო მომსახურეობა (სწორი ექსპლუატაციის პირობებში).

6. შესყიდვის ობიექტის მიწოდების პირობები, ადგილი და ვადები

6.1. „სამუშაოს“ გაწევა განხორციელდება სატენდერო პირობების შესაბამისად.

6.2. „სამუშაოს“ გაწევის ადგილი: ქ.ქუთაისი, ოცხელის ქ.№2

6.3. „სამუშაოს“ გაწევის ვადა: სარეაბილიტაციო სამუშაოები უნდა დასრულდეს ხელშეკრულების გაფორმებიდან 60 კალენდარულ დღეში.

7. შესყიდვის ობიექტის მიღება-ჩაბარების წესი

7.1. სამუშაოების დასრულების შემდეგ, მიღება-ჩაბარების აქტის და ფაქტიური შესრულებულ სამუშაოების აქტის შედგენა (ყველა შესრულებულ სამუშაოზე) მოხდება ლევან სამხარაულის სახელობის სასამართლო ექსპერტიზის ეროვნული ბიუროს დასკვნის საფუძველზე, რომლის წარმოდგენის ვალდებულება და ფინანსური ხარჯების გაწევა ეკისრება „მიმწოდებელს“.

7.2. შემსყიდველი ორგანიზაციის მიერ, პერიოდულად განხორციელდება მოწოდებული „სამუშაოს“ შემოწმება, რომელსაც განახორციელებს შემსყიდველი ორგანიზაციის მიერ სპეციალურად შექმნილი ინსპექტირების ჯგუფი.

7.3. „სამუშაოს“ მიღების დროს გამოვლენილი დეფექტისა და ნაკლის აღმოფხვრას, საკუთარი ხარჯებით უზრუნველყოფს „მიმწოდებელი“.

7.4. იმ შემთხვევაში, თუ „შემსყიდველის“ მიერ საბოლოო შემოწმების შედეგად გამოვლენილი იქნება „სამუშაოს“ უხარისხობა, იგი წერილობით აცნობებს „მიმწოდებელს“ წუნდების მიზეზების მითითებით და მოითხოვს სათანადო კომპენსაციას.

8. ანგარიშსწორების წესი, ფორმა და ვადები

8.1. ანგარიშსწორება განხორციელდება ლარებში.

8.2. ანგარიშსწორება მოხდება მხოლოდ წინასწარი ანგარიშსწორების საფუძველზე, 100%-ის ოდენობით, არაუგვიანეს 2014 წლის 10 დეკემბრისა, შესაბამისი საბანკო ან სადაზღვევო გარანტიის წარმოდგენის საფუძველზე. საბანკო ან სადაზღვევო გარანტიის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულებით გათვალისწინებულ სამუშაოების შესრულების ვადას (კანონმდებლობით დადგენილი ნორმების შესაბამისად).

8.3. ლევან სამხარაულის სახელობის სასამართლო ექსპერტიზის ეროვნული ბიუროს დასკვნისა და ფაქტიურად წარმოდგენილი ხარჯების შესაბამისად, მიმწოდებლის მხრიდან მოხდება მისთვის წინასწარი ანგარიშსწორების საფუძველზე გადარიცხული თანხიდან სხვაობის დაბრუნება.

9. მხარეთა უფლება-მოვალეობები

9.1. „შემსყიდველი“ ვალდებულია:

9.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

9.2. „მიმწოდებელი“ ვალდებულია:

9.2.1. მიაწოდოს „შემსყიდველს“ „სამუშაო“, რომელიც სრულად შეესაბამება ხარისხით და სხვა ყველა მონაცემებით „შემსყიდველის“ დაკვეთას.

9.2.2. დროულად შეასრულოს ხელშეკრულებით ნაკისრი ყველა ვალდებულებანი.

9.2.3. საგარანტიო ვადის განმავლობაში განახორციელოს შესყიდვის ობიექტის შეკეთება ან შეცვლა შემსყიდველის მხრიდან დამატებითი ხარჯების გაწევის გარეშე.

9.2.4. სამუშაოების მიმდინარეობის პროცესში დაიცვას უსაფრთხოების წესები, მინიმუმამდე დაიყვანოს ხმაურის დონე და მტვრის რაოდენობა, ყოველი სამუშაო დღის ბოლოს მაქსიმალურად დაასუფთაოს სამუშაოს ჩატარების ადგილი და გაიტანოს ნაგავი ეზოში გამოყოფილ ადგილზე, ხოლო სამუშაოების დასრულების შემდეგ გაათავისუფლოს სამუშაო მოედანი და მიმდებარე ტერიტორია სამშენებლო ნარჩენებისგან. საჭიროების (შემსყიდველის მოთხოვნის) შემთხვევაში სამუშაო ტერიტორია შესაძლებლობის ფარგლებში შემოიზღუდოს მტვრის დამცავი ფარდებით.

9.3 „შემსყიდველი“ უფლებამოსილია:

9.3.1. მოითხოვოს „მიმწოდებლისაგან“ ხელშეკრულების ყველა პუნქტის უცვლელად შესრულება.

9.3.2 უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგენა დაუძლეველი ძალა.

9.3.3. არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

9.4 „მიმწოდებელი“ უფლებამოსილია:

9.4.1 მოითხოვოს „შემსყიდველისაგან“ მის მიერ მიწოდებული „სამუშაოს“ ღირებულების სრული ანაზღაურება.

9.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „სამუშაოს“ მიწოდება ან მის წინაშე დადგა დაუძლეველი ძალა.

9.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

9.4.4. მიმართოს სასამართლოს ან სხვა ორგანოებს „შემსყიდველის“ მიერ ხელშეკრულების პირობების დარღვევის გამო.

9.4.5. მოითხოვოს „შემსყიდველისაგან“ რეალური ზარალის ანაზღაურება, რაც გამოიწვია მისი მხრიდან ამ ხელშეკრულების პირობების დარღვევამ.

10. პირგასამტეხლო

- 10.1. ხელშეკრულებით ნაკისრი ვალდებულების შეუსრულებლობის ან/და არაჯეროვნად შესრულებისათვის მხარეებს ეკისრებათ პირგასამტეხლოს გადახდა.
- 10.2. მიმწოდებლის მიერ მოწოდების ვადების გადაცდენის შემთხვევაში ეკისრება პირგასამტეხლოს გადახდა ყოველ ვადაგადაცილებულ დღეზე გაანგარიშებით ხელშეკრულების ღირებულების 0,1%-ს ოდენობით.
- 10.3. შემსყიდველის მიერ ამ ხელშეკრულებით განსაზღვრული ანგარიშწირების ვადების გადაცილების შემთხვევაში ეკისრება პირგასამტეხლოს გადახდა ყოველ ვადაგადაცილებულ დღეზე გაანგარიშებით კონკრეტული შესრულებისათვის გადასახდელი ღირებულების 0,1%-ს ოდენობით.
- 10.4. ხელშეკრულების გათვალისწინებული სხვა პირობების დარღვევის შემთხვევაში, ყოველი მხარე ერთჯერადად იხდის პირგასამტეხლოს ხელშეკრულების ღირებულების 1%-ს ოდენობით.
- 10.5. იმ შემთხვევაში, თუ პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს მხარეს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.
- 10.6. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.
- 10.7. მხარეები ვალდებული არ არიან უზრუნველყონ პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში

11. დაუძლეველი ძალის მოქმედება

- 11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.
- 11.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით. რომელსაც ცნობენ მხარეები.
- 11.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისაგან.
- 11.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

12. სადავო საკითხების გადაწყვეტა

12.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის, ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოავგარონ მოლაპარაკების წესით.

12.2. თუ „შემსყიდველი“ და „მიმწოდებელი“ ვერ შეძლებენ სადავო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

13. გამოსაყენებელი სამართალი

13.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14. ხელშეკრულების ენა

14.1. ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

15. ურთიერთობა მხარეებს შორის

15.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

16. ხელშეკრულების სხვა პირობები

16.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

16.2. „მიმწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.

16.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.

16.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით აცხადებენ ერთმანეთს და ღებულობენ ერთობლივ გადაწყვეტილებას.

17. ხელშეკრულების მოქმედების ვადა

17.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

17.2. ხელშეკრულების მოქმედების ვადა: 2015 წლის 27 თებერვალი.

17.3. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.

17.4. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

18. განსაკუთრებული შენიშვნები

18.1. ხელშეკრულება დგება სამ თანაბარძალოვან ეგზემპლარად, საიდანაც ერთი ეგზემპლარი გადაეცემა „მიმწოდებელს“, ხოლო ორი ინახება „შემსყიდველთან“.

19. მხარეთა რეკვიზიტები

„შემსყიდველი“

სსიპ „ლ. საყვარელიძის სახ. დაავადებათა
კონტროლის და საზოგ. ჯანმრთელობის
ეროვნული ცენტრი“
მისამართი: თბილისი, მ.ასათიანის 9
საიდენტიფიკაციო კოდი: 211324351
სს „თიბისი ბანკი“
სახელმწიფო ხაზინა: TRESGE22
ა/ნ: GE24NB0330100200165022
გენერალური დირექტორი:

„მიმწოდებელი“

_____ამირან გამყრელიძე

V. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში: